

Le 10. de Ianuier *Makheabichtichiou* me faifoit plusieurs queftions des chofes naturelles; comme d'où prouenoit l'Eclifpe de la lune, luy aiant refpondu qu'elle prouenoit de l'interpofition de la terre entre elle & le Soleil, il me repliqua qu'il auoit de la peine à croire cela, pource difoit-il, que fi cette noirceur de la lune eftoit caufee par ce rencontre de la terre entre elle & le Soleil, comme [250 i.e., 246] ce rencontre arriue fouuent, on verroit la lune Ecliffee, ce qui ne fe fait pas. Je luy fis voir que le Ciel eftant fi grand comme il eft, & la terre fi petite, cette interpofition n'arriuoit pas fi fouuent qu'il s'imaginoit; voiant la figure avec vn flambeau à l'entour d'une boule, il fut fort fatisfait. Il me demandoit d'où prouenoit que le Ciel paroiffoit tantoft rouge, tantoft d'autre couleur. Je luy repliquay que la lumiere renduë dâs des vapeurs, ou dans des nuës, faifoit cette diuerfité de couleurs felon la diuerfité de la nuë ou elle fe trouuoit, & fur l'heure ie luy monftray vn verre trigonal. Tu ne vois, luy dis-je, aucune couleur en ce verre, mets le fur tes yeux & tu le verras plain de belles couleurs qui prouindront de la lumiere, l'ayant appliqué à fa veuë, & voiant vne grande varieté de couleurs. Il fecria vous eftes des Manitous vous autres François, qui cognoiffes le Ciel & la terre.

Le 26. de Feburier les Sauvages qui n'eftoient cabanez qu'à vn quart de lieuë de nous, s'approcherent entierement de Kebec. Vn de leurs forciers auoit veu fept feux en dormant, c'eftoit autant de cabanes d'Hiroquois, ils eftoient de-jà en deça les trois Riuieres à fon dire. La terreur les faifit fi puiffamment [251 i.e., 247] qu'ils fe logerent à vn jet de pierre de noftre maifon, me demandans pourquoy nous ne tenions point